



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**MOPHATO 12**

**SETSWANA PUO YA GAE (HL)**

**PAMPIRI YA BORARO (P3)**

**TLHAKOLE/MOPITLWE 2017**

**MEMORANTAMO**

**MADUO: 100**

**Memorantamo o, o na le ditsebe di le 16.**

**KAROLO YA A: RUBORIKI YA GO TSHWAYA TLHAMO – PUO YA GAE (Maduo a le 50)**

**ELA TLHOKO:**

- Dirisa ruboriki ka gale fa o tshwaya tlhamo ya boithlamedi (Pampiri 3. KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<b>DITENG LE IPAAKANYO</b>  (Tsibogelo le dikakanyo)  Thulaganyo ya dikakanyo tsa ipaakanyo  Temogo ya maitlthomo, baamogedi le bokao	<b>Maemo a a kwa godimo</b>	<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
		-Tsibogelo ya maemo a a kwa godimo go gaisa a a tlwaelegileng -Dikakanyo tse di botlhale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	-Tsibogelo e e tlhamilweng ka matsetseleko -Dikakanyo tse di maleba tota gape di kgatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	-Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	-Tsibogelo ya tomagano e e sa tlhomamang -Dikakanyo tse di sa tlhaping e bile di se na boithlamedi -Bosupi jo bonnye jwa thulaganyo le tomagano	-Tsibogelo e e seng maleba gotlhelele -Dikakanyo tse di tlhakatlhakaneng le go tlhoka tsepamo -Di gasagane le go boelediwa -Ga e a rulagana e bile ga e a lomagana
<b>30 MADUO</b>	<b>Maemo a a kwa tlase</b>	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
		-Tsibogelo e e manontlhotlho, mme e tlhabela ditlhokego tse di tsibosang tsa tlhamo ya maemo a dinaledi -Dikakanyo tse di botlhale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	-Tsibogelo e e tlhamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo	-Tsibogelo e e itumedisang, mme e latlhelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	-Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano	-Ga go na maiteko a go tsibogela setlhogo -Dikakanyo tse di seng maleba e bile di sa siama gotlhelele -Ipaakanyo e e sa tsepamang e bile e tlhakatlhakane

**RUBORIKI YA GO TSHWAYA TLHAMO YA PUO YA GAE [MADUO A LE 50] (tsweletso)**

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<b>PUO, SETAELE LE GO TSELEGANYA/RUNA</b> Segalo, rejisetara, setaele le tlotlofoko tse di maleba go maikaelelo/ ditlamorago le bokao  Tlhopho ya mafoko  Tiriso ya puo le melawana, tiriso ya matshwao a puiso, thutapuo le mopeleto  <b>15 MADUO</b>	<b>14–15</b> -Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo -Puo e e tlhololo, e itumedisa ka maemo a a tlhaolegileng -Segalo se se nang le maikaelelo a a tlhotlheletsang -Ga go na diphoso tsa thutapuo le tsa mopeleto ka gotlhe -Puo e e manontlhotlho ya maemo a a kwa godimo	<b>11–12</b> -Segalo, rejisetara, setaele le tlotlofoko di maleba thata le maikaelelo, baamogedi le bokao -Puo e nonofile le tiriso ya segalo e maleba -Bogolo jwa yona ga bo na diphoso tsa thutapuo le mopeleto -Puo e tlamilwe ka matsetseleko	<b>8–9</b> -Segalo, rejisetara, setaele le tlotlofoko di maleba le maikaelelo, baamogedi le bokao -Tiriso e e maleba ya puo go tthagisa bokao -Segalo se maleba -Tiriso ya malepa a a tlhotlheletsang ya go tthagisa diteng	<b>5–6</b> -Segalo, rejisetara, setaele le tlotlofoko ga di maleba le maikaelelo, baamogedi le bokao -Tiriso ya puo ke ya maemo a motheo thata -Segalo, tlhopho le tiriso ya mafoko e e seng maleba -Tlotlofoko e lekanyeditswe thata	<b>0–3</b> -Puo ga e tthaloganyeseg -Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao -Tlotlofoko e nnye thata, mme e dira gore go nne thata go tthaloganyana
	<b>13</b> -Puo e e matsetseleko ya tlhotlheletso e e nonofileng mo segalong -Ga e na diphoso tsa thutapuo le tsa mopeleto ka gotlhe -E tlamilwe ka manontlhotlho	<b>10</b> -Puo e e ngokang e bile e nonofile ka kakaretso -Segalo se se siameng se nonofile -Diphoso tse di mmalwa tsa thutapuo le mopeleto -E tlamilwe bontle	<b>7</b> -Tiriso ya puo e e mo magareng, ka go tlhoka tsepamo -Segalo se siame ka kakaretso le tiriso e e lekanyeditsweng ya malepa a tlhotlheletso	<b>4</b> -Tiriso e e bokoa ya puo -Mefuta ya dipolelo e mennye kgotsa ga e teng gotlhelele -Tlotlofoko e e lekanyeditsweng tota	
<b>KAGEGO</b> Diponagalo tsa sethangwa  Kago ya ditemana le go tthagwa ga dipolelo  <b>5 MADUO</b>	<b>5</b> -Kago e e manontlhotlho ya setlhogo -Dintlhana tse di tllaolegileng -Dipolelo le ditemana di bopilwe bontlentle	<b>4</b> -Kago e e latelanang ya dintlhana -E lomagane -Dipolelo le ditemana di a latelana, di a farologana	<b>3</b> -Kago ya dintlhana tse di maleba -Dipolelo le ditemana tse di bopilweng sentle -Thamo e sa ntse e na le tthaloganyo	<b>2</b> -Go na le dintlha dingwe tse di amogelesegang -Dipolelo le ditemana di fosagetse -Thamo e sa ntse e na le tthaloganyo	<b>0–1</b> -Dintlha tse di botlhokwa di a tllaola -Dipolelo le ditemana di fosagetse -Thamo e tlhoka tthaloganyo
<b>SEELO SA MADUO</b>	<b>43–50</b>	<b>33–40</b>	<b>23–30</b>	<b>13–20</b>	<b>0–10</b>

**KAROLO YA B: RUBORIKI YA GO TSHWAYA YA SETLHANGWA SA TIRISANO [MADUO A LE 25]**

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<b>DITENG, THULAGANYO LE SEBOPEGO</b>  Tsibogelo le dikakanyo  Kokoanyo ya dikakanyo gore go rulaganngwe  Maitlhommo, baamogedi, diponagalo/melawana le tiriso  <b>MADUO 15</b>	<b>13–15</b>  -Tsibogelo ya maemo a a kwa godimo go gaisa se se lebeletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Thaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	<b>10–12</b>  -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	<b>7–9</b>  -Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	<b>4–6</b>  -Tsibogelo e e kwa tlase e e supang kitso ya diponagalo tsa mofuta wa setlhangwa -Go na le tsepamo e e rileng, mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa ga matlho go go tseneletseng	<b>0–3</b>  -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
<b>PUO, SETAELE LE GO TSELEGANYA/RUNA</b>  Segalo, rejisetara, setaele, maitlhommo, baamogedi le tiriso  Tiriso ya puo le melawana  Tlhopho ya mafoko Matchwao a puiso le mopeleto  <b>MADUO 10</b>	<b>9–10</b>  -Segalo, rejisetara, setaele le tlotlofoko tse di maleba thatathata le maitlhommo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	<b>7–8</b>  -Segalo, rejisetara, setaele le tlotlofoko tse di maleba thata le maitlhommo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	<b>5–6</b>  -Segalo, rejisetara, setaele le tlotlofoko di maleba le maitlhommo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	<b>3–4</b>  -Segalo, rejisetara, setaele le tlotlofoko di fosagetse go le gonnye go maitlhommo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile	<b>0–2</b>  -Segalo, rejisetara, setaele le tlotlofoko ga di tsamaisane le maitlhommo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlhommo -Bokao bo kgoreletsegile tota
<b>SEELO SA MADUO</b>	<b>22–25</b>	<b>17–20</b>	<b>12–15</b>	<b>7–10</b>	<b>0–5</b>

**KAROLO YA A: TLHAMO****POTSO 1****MEFUTA YA DITLHAMO****1.1 Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **O se bone nong go rakalala godimo, go ya tlase ke ga yona.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Bokhutlo e nne jo bo kgodisang.

**Se se lebeleletsweng mo batlhatlhojweng:**

- Kwala setlhogo se o itlhophetseng sona.
- Tlhaloso ya setlhogo.
- Tlhagiso ya botshelo jwa fa katlego e le gone le jwa fa katlego e nyelela.
- Tlhagiso ya matsapa a go fitlhelela katlego eo.
- Tlhagiso ya se se nyeleditseng katlego eo.

**[50]****1.2 Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Ditlhopho tsa lekgotlataolo la sekolo.**

**Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Motlhatlhojwa o tshwanetse go bopa setshwantsho ka setlhogo se a se filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo mo setlhogong se.

**Se se lebeleletsweng mo batlhatlhojweng:**

- Setlhogo se a itlhophetseng sona.
- Tlhagiso ya se setlhogo se leng ka sona.
- Akaretsa dithulaganyo le tsamaiso.
- Bokhutlo bo tlhagise pheletso ya ditiragalo

**[50]****1.3 Tlhamo ya ngangisano**

Mo tlhamong e, motlhatlhojwa o tlhagisa kakanyo, ntlhakemo, mme o nganga ka maitlomo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Tshomarelo ya motlakase ke tlhobaboroko.**

**Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:**

- Motlhatlhojwa a simolole ka go tlhagisa ntlhakemo ya gagwe go bontsha boitshimoleledi.
- A neye mefutafuta ya dingangisano go tshegetsang ntlhakemo ya gagwe, mme a tlhalose se.
- Tlhamo e tlhagisa letlhakore le le lengwe mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhologanyegang mme e pateletse mmuisi go dumalana le e e tlhagisitsweng. Tlhamo ya mofuta o, e kwalwe ka pakajaanong.

**Se se lebeleletsweng mo batlhatlhojweng:**

- Setlhogo se a itlhophetseng sona.
- Tlhamo e tseye letlhakore.
- Tlhaloso ya tlhobaboroko e e tlišiwang ke motlakase.
- Tlhaloso ya bothata jwa thebolo ya motlakase.
- Tlhagiso ya se se ka diriwang go rarabolola bothata jo.
- Tlhagiso ya ntlhakemo ya motlhatlhojwa ka setlhogo.
- Tlhagiso ya dintlha tsa ngangisano tse di tshegetsang ntlhakemo ya motlhatlhojwa.
- Kwa bokhutlong a akgole kgotsa a tlhagise tshitshinyo ya se se ka diriwang go rotloetsa ntlhakemo ya gagwe.

**[50]**

#### 1.4 **Tlhamo e e sa tseyeng letlhakore**

Mo tlhamong e, motlhatlhojwa o tliša tekatekanyo mo matlhakoreng otlhe a dingangisano. O leba matlhakore otlhe a setlhogo a bo a tšhagisa dintlha tša thulano a sa tseye letlhakore.

Motlhatlhojwa a ka tšhagisa ntlhakemo ya gagwe, mme go na le tekatekanyo ya dintlha tše di emelelang setlhogo le tše di leng kgatšhanong le sona e bile di sekasekiwa mo tsamaong ya kwalo ya tlhamo.

Sekao sa setlhogo: **Botho bo ile.**

**Dintlha tše di latelang di tšhwanetše go elwa tlhoko fa go tšhwaiwa tlhamo e e sa tseyeng letlhakore:**

- Motlhatlhojwa a simolole ka go tšhagisa ntlhakemo ya gagwe go bontsha boitšhimoleledi.
- Tlhamo e tšhagise matlhakore a le mabedi, mme dikakanyo di tšhagisiwa ka kgatelelo e kgolo. Go dirisiwe mefuta e e farologaneng ya didiriswa tša puo le dithekeniki tša tirisopuo.
- Tšhagiso ya dikakanyo sentle e bile a di tšhegetše
- A dire gore go dumelanwe le ena gape a se ineele bonolo.
- Puo e tšose maikutlo mme motlhatlhojwa a se ka a tlhoka maitseo.
- Popego e rulagane ka kelotlhoko le ka tlhomamo e lebeletše kemo ya botlhe.
- Ngangisano e nne e e tšwileng diatla go supa tšhaloganyo e e utlwalang.
- Bokhutlo bo tšhagise kakanyo e e tlhomameng, e e tšhaloganyegang, mme e pateletše mmuisi go dumalana le e e tšhagisitsweng.
- Tlhamo ya mofuta o, e kwalwe ka pakajaanong.

**Se se lebeletsweng mo batlhatlhojweng:**

- Setlhogo se a itlhophetseng sona.  
Tšhaloso ya setlhogo.
- Tšhagiso ya dintlha tše di supang gore botho bo ile.
- Tšhegetšo ya matlhakore a mabedi ka dikao.
- Supa gore botho jo bo ileng bo ama jang matshelo a batho.
- Tšhobokanyo ya dintlha.

[50]

**1.5 Tlhamo ya maitlhamo**

Mo mofuteng o wa tlhamo, motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: **Fa nka nna mokwadi wa dibuka tsa Setswana ...**

**Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:**

- Tlhamo ya maitlhamo e tseye letlhakore.
- Maikutlo a tseye karolo e e bothokwa.
- Karolo e kgolo mo tthamong e ka tthalosa. Ditthaloso di tshwanetse go bonala, maikaelelo e le go tlhagisa maikutlo a motlhatlhojwa.
- Dikakanyo/Megopolo/Maikutlo di tshwanetse go senola boammaaruri le maitemogelo.
- Tlhamo e kwalwe ka pakatlang.

**Se se lebeletsweng mo batlhatlhojweng:**

- Setlhogo se a itlhophetseng sona.
- Phuthololo ya setlhogo.
- Motlhatlhojwa a tlhagise:
  - se se tsositseng kgatlhego ya bokwadi.
  - mofuta wa dikwalo tse a tla di kwalang.
  - lemorago la dibuka tsa gagwe.

**[50]****1.6 1.6.1 Tlhamo ya tthaloso**

Mokwadi mo tthamong e, o tthalosa sengwe ka mokgwa o mmuisi a tlaa itemogelang se se tthalosiwang jaaka go batlega.

Sekao sa setlhogo: **Setshwantsho.**

**Dintlha tse di latelang di tshwanetse go elwa tlhoko fa go tshwaiwa tlhamo ya tthaloso:**

- Motlhatlhojwa o tshwanetse go bopa setshwantsho ka mafoko.
- Motlhatlhojwa a tthophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo le kutlo go tthalosa mofuta o wa tlhamo sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo mo setlhogong se.



**Se se lebeleletsweng mo batlhatlhojweng:**

- Setlhogo se se nyalanang le setshwantsho se a se itlhophetseng.
- Tlhaloso ya setlhogo.
- Tlhagiso ya ditiragalo tse di amanang le tse di tlhagelelang mo setshwantshong.
- Tlhaloso ya gore se se tlhagelelang mo setshwantshong se ka nna mosola jang mo botshelong jwa motho.
- Tiriso ya mafoko a a tlhagisang pono, modumo le kutlo go tlhalosa se se tlhagelelang.
- A supe boitshimoleledi.
- Thotloetso go baagi go diragatsa se se mo setshwantshong.
- Bokhutlo bo supe maikutlo a gagwe.

**Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe go elwe tlhoko gore mofuta o wa tlhamo o a anela.

**Se se lebeleletsweng mo batlhatlhojweng:**

- Setlhogo se se nyalanang le setshwantsho se a se itlhophetseng.
- Tlhaloso ya setlhogo.
- A anele ka se se tlhagelelang mo setshwantshong.
- A tlhagise mosola wa go diragatsa se se mo setshwantshong.
- A rotloetse baagi go diragatsa se se mo setshwantshong.

**[50]**

**1.6.2 Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe go elwe tlhoko gore mofuta o wa tlhamo o a anela.

**Se se lebeletsweng mo batlhatlhojweng:**

- Setlhogo se se nyalanang le setshwantsho se a se ithophetseng.
- Tlhaloso ya setlhogo.
- A anele ka se se tlhagelelang mo setshwantshong.
- A eletse baagi gore tiragalo e e mo setshwantshong e ka ba tswela mosola jang.
- Mathata a a ka itemogelang ka tiragalo e e mo setshwantshong.

**Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Setshwantsho.**

**Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Motlhatlhojwa o tshwanetse go bopa setshwantsho ka mafoko.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo mo setlhogong se.

**Se se lebeletsweng mo batlhatlojweng:**

- Setlhogo se se nyalanang le setshwantso se a se itlhophetseng.
- Tlhaloso ya setlhogo.
- Tlhagiso ya ditiragalo tse di amanang le tse di tlhagelelang mo setshwantshong.
- Tlhaloso ya se se tlhagelelang mo setshwantshong.
- Tlhagiso ya se se ka diriwang ka tiragalo e e mo setshwantshong.
- Thotloetso go baagi go ela tlhoko mathata a a ka itemogelang ka tiragatso e e mo setshwantshong. **[50]**

**1.6.3 Tlhamo ya tlhaloso**

Mokwadi mo tlamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Setshwantsho.**

**Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Motlhatlojwa o tshwanetse go bopa setshwantsho ka mafoko.
- Motlhatlojwa a tlhophe mafoko le tirisano ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo le kutlo go tlhalosa mofuta o wa tlhamo sentle.
- Puo ya botshwantshi e dirisiwe ka boitshimoleledi.
- Motlhatlojwa a bontshe fa a na le maitemogelo mo setlhogong se.

**Se se lebeletsweng mo batlhatlojweng:**

- Setlhogo se se se nyalanang le setshwantso se a se itlhophetseng..
- Tlhaloso ya setlhogo.
- Tlhagiso ya ditiragalo tse di amanang le se se tlhagelelang mo setshwantshong.
- Tlhagiso ya ditlamorago tsa boitshwaro jo bo mo setshwantshong.
- Keletso ya boitshwaro jo bo maleba mabapi le setshwantsho.

**Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo:**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

**Se se lebeleletsweng mo batlhatlhojweng:**

- Setlhogo se se nyalanang le setshwantso se a se itlhophetseng.
- Tlhaloso ya setlhogo.
- A anele ka se se tlhagelelang mo setshwantshong.
- A anele ka se se tlhodileng ditiragalo tse di mo setshwantshong le bokhutlo jwa sona.
- Bokhutlo bo anele ka tharabololo.

**[50]****PALOGOTLHE YA KAROLO YA A: 50**

**KAROLO YA B: DITLHANGWA TSA TIRISANO****POTSO 2****2.1 LEKWALO LA BOTSALANO**

Lekwalo la botsalano ke le le kwalelwang motho mongwe yo o rileng, e ka nna wa lesika kgotsa tsala go tliaeletsana jaaka go leboga, itsise, kopa, keletsomasego, jalojalo.

**Dintlha tse di tshwanetseng go elwa tlhoko fa go tshwaiwa lekwalo la botsalano:**

- Lekwalo le, le le khutshwane, le neela dintlhakgolo ka se go buiwang ka ga sona. Palo ya mafoko a lona e nne 180–200 diteng fela.
- Le supe maikutlo a gagwe fela a se ke a teba thata.
- Le se ka la nna le diphoso tsa mofuta ofe.
- Le fe tshedimose tso ya se go buiwang ka ga sona.
- Aterese ke ya mokwadi fela.

**Se se lebeletsweng go tswa mo batlhatlhojweng:**

- Aterese e nne nngwe, ya mokwadi.
- Ditumediso di kwalwe.
- A thadise ka fa a dirileng ka gona mo tlhatlhojweng.
- A tthagise dikgwetlho tse a di iponetseng mo ipaakanyong.
- A tthagise ponelopele ya gagwe mo ditlhatlhojweng tse di tlang.
- A tthagise thuso e a e eletsang.
- Bokhutlo e nne jo bo maleba ka se se solofetsweng.
- Mokwadi a kwale leina la gagwe fela.

**[25]****2.2 LEKWALO LA SEMMUSO LA KOPO**

Lekwalo la semmuso ke le le kwalelwang setheo sengwe se se rileng. Mokwadi o kopa sengwe e ka nna phatlhatiro kgotsa thuso ya mokgwa mongwe; a ka ngongorega, a akgola kgotsa a gomotsa mo maamong a mangwe.

**Dintlha tse di tshwanetseng go elwa tlhoko fa go tshwaiwa lekwalo la semmuso:**

- Lekwalo le, le le khutshwane, le na le dintlhakgolo ka ga se se batliwang kgotsa se se kopiwang. Palo ya mafoko a lona e nne 180–200 diteng fela.
- Le se ka la nna le diphoso tsa mofuta ofe.
- Le nne le tshedimose tso ya se go buiwang ka ga sona.
- Diaterese di nne pedi, ya mokwadi le ya moamogedi.
- Le nne le dinomoro tsa mogala kwa mokwadi a ka fitlhelwang gona.

**Se se lebeletsweng go tswa mo batlhatlhojweng:**

- Aterese ya mokwadi le ya moamogedi.
- Setlhogo sa lekwalo le ditumediso di kwalwe.
- A itsise ka kopo ya bona go mogokgo.
- A thadise ka ga bothata jo barutwana ba bangwe ba lebaganeng najo.
- A tlhagise maikaelelo a bona a go thusa mo ntlheng e.
- Bokhutlo e nne jo bo maleba ka se se solofetsweng. Tlhagiso ya leina/ditlhakaina le sefane. Dinomoro tsa mogala.

**[25]****2.3 MMUISANO**

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba buisana ka ga dikakanyo kgotsa ka ga setlhogo sengwe se se rileng. Sebopego sa yona ke sa dipotsotherisano fela ona o dirisiwa gongwe le gongwe ke mongwe le mongwe.

**Dintlha tse di tshwanetseng go elwa tlhoko:**

- Mmuisano o kwalwa ka mokgwa o moterama a kwalang ka ona.
- Go nna le dibui di le pedi kgotsa go feta.
- Dipolelo tsa dibui di nne dikhutshwane.
- Diteng di supe boithamede, kelelo ya dintlha le go tsamaelana ga ditiragalo. Palo ya mafoko a ona ke 180-200 diteng fela.
- Maina, maemo a tiro kana maikarabelo a loago a dibui a tlhagelele sentle.
- Matseno, mmele le bokhutlo di dirisiwe sentle. Kgang e bontshe tshimologo, setlhoa le tharabololo.
- Puo le moonno di tsamaelane le ditiragalo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

**Se se lebeletsweng mo motlhatlhojweng:**

- Mmuisano o tote kang ya dituelo.
- Dikgang ka ga dituelo di supe matshwenyego, tlhagiso le tharabololo.
- Puo e nne e e tlhamaletseng.
- Bokhutlo e nne jo bo lebeletsweng.

**[25]**

**2.4 PEGELO**

Pegelo e kwalelwa setheo se se rileng, motlhatlhojwa o neelana ka diphithlelelo le dikatlanegiso tsa se a neng a laetswe go se dira.

**Dintlha tse di tshwanetseng go elwa tlhoko:**

- Leina la sekolo, moromedi le moamogedi di tlhagisiwe.
- Setlhogo sa pegelo se bolele ka botlalo gore go begwa ka ga eng.
- E kwalwa ka pakapheti.
- Motlhatlhojwa a tlhagise diphithlelelo le dikatlanegiso. Palo ya mafoko e nne 180–200 diteng fela.
- Motlhatlhojwa a saene, a supe tiro kgotsa maemo a gagwe le letlha le a kwadileng pegelo ka lona.

**Se se lebeleletsweng mo batlhatlhojweng:**

- Setlhogo le ditumediso di kwalwe.
- Motlhatlhojwa a bege ka se ba se boneng le se ba se utlwileng le ka ga dipuisano tse ba nnileng le tsona le ba dipontsho.
- Tlhagisa kgatlhego e e tlhagisitsweng ke dipontsho tse.
- Neelana ka dikatlanegiso tsa gore go ka dirwang go rotloetsa barutwana botlhe.
- Bokhutlo e nne jo bo solofetsweng.

**[25]****2.5 PUO**

Puo ke karolo e e botlhokwa ya go fatlhosa. Mo mabakeng a mantsi motho o neelana ka puo mo dikopanong kgotsa meletlong. Puo ya go bua le setšhaba e farologana le ya go bua le setlhotšhwana sa batho.

**Dintlha tse di tshwanetseng go elwa tlhoko fa go tshwaiwa puo:**

- Matseno, mmele le bokhutlo.
- Maikalelo a kopano.
- Mofuta wa kopano e o yang go bua kwa go yona.
- Dintlha di se ke tsa phatlhalala.
- Dipolelo tse dikhutshwane ka dikakanyo tse di bonolo.
- Tiriso ya dikao tse di tlwaelegileng.
- Ditebogo go bareetsi kwa bokhutlong.
- Palo ya mafoko a yona e nne 180-200 diteng fela.
- Tiriso ya puo e senole kgolo, go se nne le ditlhapa le tshotlo.

**Se se lebeleletsweng mo batlhatlhojweng:**

- Setlhogo sa puo
- Ditumediso go bareetsi le ditebogo tsa ba ba laleditsweng.
- Tshimologo e nne maatla, e ngoke theetso. E ka nna motlae kgotsa nopolob.
- Tlhagiso ya dikgwetlho tse barutabana ba di itemogelang le ka fa di amang tiro ya bona ka gona.
- Tlhagiso ya ka fa dikgwetlho tse di amang go ithuta ga barutwana ka gona.
- Tlhagiso ya se se ka dirwang go rarabolola dikgwetlho tse.
- Bokhutlo e nne jo bo maleba ka se se solofetsweng.

**[25]**

**2.6 TSA BOTSHELO JWA MOSWI**

Tsa botshelo jwa moswi ke tshedimose tso ka botlalo fela e le khutshwane ka ga botshelo jwa yo o tlhokafetseng.

**Dintlha tse di tshwanetseng go elwa tlhoko fa o tshwaya tsa botshelo jwa moswi:**

- Neelana ka tshedimose tso e ntsi ka moo o ka kgonang ka teng fela e nne maleba.
- Tlhagisa tshedimose tso e e tletseng ka dintlha tse di latelang: Leina la moswi, letlha la matsalo, boemo jwa tsalo. Batsadi, boagi, dithutego, tiro.
- Seabe sa gagwe mo setšhabeng (fa go tlhokega), kemo ya nyalo, (fa a nyetswe), sebakwa sa loso.
- Phefotso e dirisiwe mo go kgonegang.
- Palo ya mafoko a bona e nne 180–200 diteng fela.

**Se se lebeleletsweng mo motlhatlhojweng:**

- Leina la moswi, maemo a gagwe a tsalo mo lapeng le maina a batsadi ba gagwe ka botlalo.
- O tshotswe leng kwa kae?
- Dikolo tse a di tseneng.
- Maemo a nyalo le bana.
- Tlhagiso ya letlha le a tlhokafetseng ka lona le se se bakileng loso.
- Tlhagiso ya dintlha dingwe ka boripana ka maitemogelo a moswi a ba lelapa le ditsala ba ka mo ikgopotsang ka ona.
- Mafoko a go robatsa moswi ka kagiso.
- Leboko la kgotla ya moswi le ka tsenngwa fa go tlhokega.

**ELA TLHOKO:** Morutwana a kwale ka ga moswi e seng motshedi.

**[25]**

**PALOGOTLHE YA KAROLO YA B:**

**50**

**PALOGOTLHE YA TLHATLHOBO:**

**100**